

إضراب عبدالرحمن القزاز يكشف مأساة عنبر "أ" بسجن الزقازيق



الاثنين 6 مارس 2017 09:03 م

لم يجد الناشط والإعلامي عمرو سلامة القزاز، وسيلة لتسجيل إضراب شقيقه عبدالرحمن القزاز، مركز ديرب نجم محافظة الشرقية، سوى حسابه على "فيس بوك" بعد رفض إدارة السجن بقيادة الضابط أحمد عاطف التعامل مع النزلاء باعتبارهم حالات إنسانية.

وعبدالرحمن -قبطان خريج الأكاديمية البحرية بالاسكندرية- فضل البقاء في مصر، رغم أن إخوته ووالده ووالدته اضطروا للغربة بسبب مطاردة النظام لهم أو على حد قول عمرو القزاز "بسبب اضطهاد وظلم النظام ده".

ولخص عمرو مطالبه من إثارة أزمة عنبر (أ) بسجن الزقازيق العمومي، ورئيس المباحث حمد عاطف، أنه لا يريد، سفر أخيه ولكنه لا يريد أن يضيع حقه ويريد إثبات الاضراب.

فقط يريد أنه "يهان في السجن ويدخل الحمام زي الناس بس يعيش حياة البني ادمين".

وكتب عمرو القزاز عبر حسابه "اخويا عامل اضراب كلي عن الطعام بقاله ثلاث ايام .. انهارده اول زيارة تجيله من ٢٠ يوما رفض يطلع الزيارة .. عرفت انه تعبان جدا ووشه اصفر من عدم الأكل .. عرفت انه السجن مش سامح ليهم يدخلوا اكل الا لفرد واحد بس في الزيارة ويرجعوا بقيتها ده يحصل بس في عنبر أ سجن الزقازيق العمومي".

عرفت أنه يبطلعوهم عشر دقائق بس في اليوم يودوهم الحمام واللي بيتأخر عن عشر دقائق العساكر بتدخل تجيبه من جوا وهو عريان كل يوم الصبح بيدخلوا عليهم يضربوهم ويكرفسوهم واللي بيتحرك بينضرب على وشه .. عرفت ان اخويا مقدرش يطلع حتى وشدوه من الزنانة زحف لانه مش قادر حتى يقوم .. المعتقلين في عنبر أ سجن الزقازيق رفضوا يستلموا التعيين .. عايز مساعده من اي محامي بالشرقية يعمل بلاغ ان عبد الرحمن محمود أحمد سلامة القزاز المعتقل في عنبر أ سجن الزقازيق العمومي - قبطان بحري .. خريج الاكاديمية العربية للعلوم والتكنولوجيا .. عامل اضراب عن الطعام .. يا ريت اي حد يساعدني".